



Communicaziun a las medias

Il 24avel TOP POP Rumantsch – direct en la malura...

Cuir, 25-01-2011 – **Suenter divers interprets da la generaziun giuvenischma suonda en la retscha musicala dal Radio Rumantsch puspè ina giada ina vusch veterana: Flavio Huonder e ses Galiots preschentan il 24avel TOP POP Rumantsch cun la chanzun «Pirats».**

Curt avant Nadal ha ina banda da tschintg Galiots registrà en il studio Aquarium a Turitg ina chanzun che cumenza cun in vegl proverbio plitost macaber: «Buca mo ils aunghels sgolan, er il giavel ei sin tur.» Il refrain daventa lur anc pli nair e dechanta in mund che va direct en la malura - propi betg ils tuns da bunas nuvellas, quai che quest 24avel TOP POP Rumantsch palaisa. Ma la tempra da la chanzun relativescha in pau il cuntegn, in flot ritmus american maina tras las lingias ed in orgelin electric omnipreschent lascha anc ina sbrinzla speranza vi da quests «Pirats» apocaliptics.

Davos la chanzun stat ina figura veterana dal rock rumantsch, l'antierur «Caschiel, Carnpiertg e Remedì» Flavio Huonder. Dapi passa diesch onns rimna il ghitarrist e chantatur ses Galiots en in tschaler da Domat, maschadond l'umor laconic d'antruras cun la rutina professiunala dad ina nova generaziun. E sche la gruppa va magari or sin palc, brigliescha ella er cun reprisas famusas dad AC/DC fin Bob Dylan ... chantadas per rumantsch! Per exempel sonda saira ils 12 da favrer 2011 al Cinema Sil Plaz a Glion. Sa chapescha vegnan ils Galiots lura er a preschentar lur «Pirats» – il nov TOP POP dal Radio Rumantsch.

Galiots:

Flavio Huonder, chant, ghitarra
Corsin Stecher, ghitarra, bass
Sep Sgier, bass, ghitarra
Fabian Huonder, tastas, chant
Giorgio Arpagaus, batteria
Producziun & mixagi: Manfred Zazzi, Aquarium, Turitg

La chanzun “Pirats”:

Buca mo ils aunghels sgolan
È il giavel ei sin tur
Si'armada nunvesibla
Porta tema e sgarschur.



Denter tschiel e tiara franca
Engaschai ein sco pirats
Nauschaspérts da tutta tempr
Zanistreschan la verdad.

Nies bi mund va tut sutsura
La fallida direcziun
Sco il flum alla cascada
Munchentau ha l'inversiun

O la babilonia crescha
Senza pausa incuntin
Il schischuri dominescha
In disuorden senza fin.

Tut che vegn relativau
Ner ei alv ed alv ei ner
Vegn clamau giud palencau
In scumbegl dil taliter

Nies bi mund va tut sutsura
La fallida direcziun
Sco il flum alla cascada
Munchentau ha l'inversiun

Tut ils titels dal TOP POP Rumantsch èn da d'udir sin la pagina da
RTR: <http://www.rtr.ch/home/dossiers/actual/Top-Pop-Rumantsch.html>.

Las emprimas 12 chanzuns èn ultra da quai cumparidas sin la DC «**TOP
POP Rumantsch vol. 1, 2005-2007**», da retrair tar: Radiotelevisiun Svizra Rumantscha,
Via da Masans 2, 7002 Cuira, www.rtr.ch, tel. 081 255 75 75.
Pretsch da vendita: CHF 20.- + spediziun.

Ulteriuras infurmaziuns:
Jachen Prevost, manader redacziun da musica RR
Tel. 081 255 75 75
E-mail: jachen.prevost@rtr.ch